

Fundargerð 2. fundar samráðsnefndar Vesturbyggðar og Tálknafjarðarhrepps, haldinn miðvikudaginn 22. nóvember 2006, kl. 17.00 á skrifstofu Vesturbyggðar, Patreksfirði.

Mættir voru: Eyrún Ingibjörg Sigþórsdóttir formaður, Ingólfur Kjartansson, Úlfar B. Thoroddsen, Arnheiður Jónsdóttir, Jón B.G. Jónsson og Ragnar Jörundsson bæjarstjóri Vesturbyggðar sem jafnframt ritaði fundargerð.

## Dagskrá :

### 1. Útdráttur nafn vegna lóðarúthlutunar. (Perlan 2006 og á netinu).

Á Vestfjarðakynningunni “Perlan-Vestfirðir” sem haldin var í Perlunni í maí sl. var gestum boðið að taka þátt í happadrætti þar sem vinningur var byggingarlóð í Tálknafirði eða Vesturbyggð. Jafnframt voru þeim sem heimsóttu heimasíðuna vesturbyggd.is boðið að taka þátt. Alls tóku 828 manns þátt í Perlunni, en þátttakendur settu nöfn sín í “tunnu tækifæranna” sem var staðsett þar, og 227 manns tóku þátt á heimasíðunni. Samtals: 1.105. Dregið var úr nöfnum á samráðsfundi 22. nóvember og kom upp nafnið Ingibjörg Sigfúsdóttir Eyrargötu 15, 430 Suðureyri. Eyrúnu og Ragnarari falið að ganga frá málinu.

### 2. Minjasafnið að Hnjóti. - fundargerð 1. fundar.

Fundargerð safnsins lögð fram til kynningar.

### 3. Málefni nefndar um framhaldsnám - húsnæði

Skv. samkomulagi, útvegar Vesturbyggð húsnæði fyrir væntanlega framhaldsskóladeild í V- Barðastrandarsýslu með staðsetningu á Patreksfirði. Það húsnæði sem til greina kemur er við Aðalstræti 52 og 62 og í húsnæði Patreksskóla. Nefndin er sammála um tillögu fulltrúa Vesturbyggðar um að framhaldsskóladeildinni verði fundinn staður í Patreksskóla.

### - næstu skref, fundargerð síðasta fundar í viðhengi.

Fundargerð framhaldsskólanefndar lögð fram. Varðandi framtíð framhaldsskólanefndarinnar, þá leggur samráðsnefndin til, að nefndin starfi áfram þann tíma sem verkefnisstjóri nefndarinnar er ráðinn til, þ.e. til 15. ágúst 2007.

**- tillaga að skipun fulltrúa sveitarfélaganna í vinnuhóp.**

*Tillaga lögð fram um að Ingibjörg Inga Guðmundsdóttir verði fulltrúi sveitarfélaganna í þriggja manna verkefnisstjórn á vegum menntamálaráðuneytisins um framhaldsskóladeild í V-Barðastrandarsýslu. Samþykkt einróma.*

**4. Tillögur atvinnumálanefnda.**

**- vísað frá bæjarráði og hreppsnefnd.**

*Tillögur atvinnumálanefndar frá 14. okt. sl. um þekkingarsetur og endurhæfingar- og öldrunarþjónustu við Heilbrigðisstofnunina á Patreksfirði. Varðandi þekkingarsetur liggur fyrir erindi til háskólarektors HÍ um að á suðursvæði Vestfjarða verði staðsettur vísindamaður í samvinnu við Náttúrustofu Vestfjarða. Samráðsnefndin tekur undir tillögu atvinnumálanefnda sveitarfélaganna um myndun stýrihóps fyrir stofnun þekkingarseturs og vísar málinu til lokaafgreiðslu sveitarstjórnana. Nefndin leggur til að þjónustuhópur aldraðra kynni sér hugmyndirnar um endurhæfingar- og öldrunarþjónustu í samvinnu við atvinnumálanefnd sveitafélagana auk framkvæmdastjóra sveitarfélagana.*

**5. Önnur mál.**

**- breytt skipan löggæslumála.**

*Rætt var um stöðuna. Sýslumaðurinn á Ísafirði stefnir á að halda fund um málið með fulltrúum sveitarfélagana á næstunni.*

**- um barnaverndarnefnd.**

*Arnheiður fór yfir hlutfallsskiptingu við þjónustu skjólstaðinga barnaverndarnefndar. Lagði til að samkomulagið yrði endurskoðað.*

Fleira ekki gert. Fundi slitið kl. 19:20.

---

Eyrún Ingibjörg Sigþórsd.

---

Úlfar Thoroddsen

---

Arnheiður Jónsdóttir

---

Jón B.G. Jónsson

---

Ingólfur Kjartansson

---

Ragnar Jörundsson